

ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის  
სხდომის ოქმი № 11

ქ. ლანჩხუთი

20.11.2023 წელი  
11:00 საათი

**სხდომას ესწრებოდნენ:** ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე ზაზა წულაძე.

**კომისიის წევრები:** გოჩა ჯანაშია, ალექსანდრე მახათაძე, კარლო კვიციანიშვილი, ვლადიმერ ნანაძე, გიორგი იმნაიშვილი.

**მოწვეული სტუმრები:** ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი თამარ ფირცხალაიშვილი.

**კომისიის სხდომას არ ესწრებოდა დეპუტატები:** კახაბერ ასკურავა, გივი ცინცაძე, გიორგი ჩახვაძე.

დღის წესრიგით გათვალისწინებული საკითხების განხილვამდე კომისიის თავმჯდომარემ, ზაზა წულაძემ გააკეთა განმარტება, რომ დღის წესრიგში შევიდა ცვლილება და კომისიას დამატებით საკითხად დაეწერა „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი.

კომისიის თავმჯდომარემ, **ზაზა წულაძემ** სხდომას გააცნო შეცვლილი დღის წესრიგის პროექტი:

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ზაზა წულაძე/

2. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი.

/მომხსენებელი: ზაზა წულაძე/

### 3. სხვადასხვა.

#### **კომისიის თავმჯდომარემ, ზაზა წულაძემ კენჭი უყარა შეცვლილი დღის წესრიგის პროექტს:**

შეცვლილი დღის წესრიგის პროექტის მიმართ კომისიის წევრების მიერ შენიშვნები არ გამოთქმულა.

#### **მომხრე 6; წინააღმდეგი-არცერთი.**

**დღის წესრიგის პირველი საკითხი:** „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას. ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე. საქართველოს ცენტრალური ხელისუფლების მიერ 2024-2027 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად (2023 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2024 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155<sup>1</sup> მუხლის 2-ე პუნქტის მოთხოვნებს.

2024 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 18492,0 ათას ლარს შეადგენს. 2023 წლის გეგმიურ მაჩვენებელთან შედარებით 2024 წლის შემოსავლების პროგნოზი იზრდება 990,0 თასი ლარით (5,7 %-ით).

#### **2024 წელს საგადასახადო შემოსავლების პროგნოზი გადასახადების სახეების მიხედვით შემდეგია:**

– **დამატებული ღირებულების** გადასახადის საპროგნოზო მაჩვენებელი განისაზღვრა 12824,7 ათასი ლარით;

2023 წლის გეგმიურ მაჩვენებელთან შედარებით დღგ გაზრდილია 11,1 %-ით (1285,7 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

– **ქონების** გადასახადის საპროგნოზო მაჩვენებელი შეადგენს 1500,0 ათას ლარს;

2023 წლის დამტკიცებულ გეგმასთან შედარებით ქონების გადასახადი 300 ათასი ლარით არის გაზრდილი, რაც გამოწვეულია საწარმოთა ქონების გადასახადის გაზრდით.

– **გრანტების** სახით დაგეგმილი მაჩვენებლები განისაზღვრება 400,0 ათასი ლარით, მათ შორის:

| სხვა დონის სახელმწიფო ორგანიზაციებიდან გამოყოფილი ტრანსფერი (მიზნობრივი) 400.0 ათასი ლარი, რომელიც მიმართება დელეგირებული უფლებამოსილების განხორციელების დაფინანსებაზე;

2023 წლის გეგმიურ მაჩვენებელთან შედარებით გრანტები 20 ათ. ლარით გაიზარდა (5,2%-ით) .

**2024 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:**

– შემოსავლები საკუთრებიდან განსაზღვრულია **115,0** ათასი ლარის ოდენობით, მათ შორის:

| რენტა 115,0 ათასი ლარი;

2023 წლის გეგმიური მაჩვენებელი შენარჩუნებულია.

**შემოსავლები საქონელისა და მომსახურების რეალიზაციიდან განსაზღვრულია 52,0 ათასი ლარის ოდენობით, მათ შორის:**

| სანებართვო მოსაკრებლები 10,0 ათასი ლარი;

| მოსაკრებელი დასახლებული ტერიტორიის დასუფთავებისათვის 12,0 ათასი ლარი;

| არასაბაზრო წესით გაყიდული საქონელი და მომსახურება 30,0 ათასი ლარი;

აღნიშნული შემოსავლები 2023 წლის საპროგნოზო მაჩვენებლებთან არის შესაბამისობაში.

– შემოსავლები სანქციები, ჯარიმები და საურავებიდან განსაზღვრულია **3500.0** ათასი ლარის ოდენობით, მათ შორის:

2023 წლის გეგმიურ მაჩვენებელთან შედარებით შემცირებულია 50,8 % -ით. (2024 წლის საპროგნოზო მაჩვენებელი გათვლილია 2023 წლის მოსალოდნელი შესრულების გათვალისწინებით)

• არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 79,0 ათასი ლარს;

ამავდროულად ბიუჯეტი ითვალისწინებს ვალის დაფარვას 58,1 ათ.ლარის ოდენობით.

### **მუნიციპალიტეტის ბიუჯეტის გადასახდელები**

მუნიციპალიტეტის ბიუჯეტის გადასახდელების მოცულობა საკუთარი შემოსავლებით შეადგენს 22171,7 ათას ლარს (2023 წლის დამტკიცებულ გეგმასთან შედარებით იზრდება 2594,6 ათასი ლარით).

აღნიშნული ზრდა გამოწვეულია მომსახურების ხარჯების ზრდით.

**პრიორიტეტების მიხედვით გათვალისწინებულია:**

– ინფრასტრუქტურის განვითარება - **2828,8** ათასი ლარი; მათ შორის:

| საგზაო ინფრასტრუქტურის განვითარება - **473,6** ათასი ლარი;

| წყლის სისტემების განვითარება - **167,3** ათასი ლარი;

| გარე განათება - **850,4** ათასი ლარი;

| კეთილმოწყობის ღონისძიებები - **162,0** ათასი ლარი;

| მუნიციპალური ტრანსპორტის განვითარება - **125,5** ათ ლარი

| საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრილია **550,0** ათასი ლარი;

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

| ოჯახების სოციალურ - ეკონომიკური გაძლიერების მხარდაჭერის პროგრამა - **100,0** ათ. ლარი

– დასუფთავება და გარემოს დაცვა განისაზღვრა - **2606,0** ათასი ლარი, მათ შორის:

| დასუფთავება და ნარჩენების გატანა - **2298,9** ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

**| მწვანე ნარგავების მოვლა-პატრონობა, განვითარება - 277,1 ათასი ლარი**

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

**| უპატრონო ცხოველების მოვლითი ღონისძიებები - 30,0 ათასი ლარი;**

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

→ განათლება - 4462,8 ათასი ლარი, მათ შორის:

| სკოლამდელი განათლება - 4416,3 ათასი ლარი;

| განათლების ხელშეწყობა - 46,5 ათასი ლარი

→ კულტურა, ახალგაზრდობა და სპორტი - 4551,9 ათასი ლარი მათ შორის:

| სპორტის განვითარების ხელშეწყობა - 2258,0 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

**| კულტურის განვითარების ხელშეწყობა -2263,9 ათასი ლარი;**

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

**| ახალგაზრდობის მხარდაჭერა -30,0 ათასი ლარი;**

პროგრამის ფარგლებში დაგეგმილია ახალგაზრდობის ინიციატივებით წარმოდგენილი სხვადასხვა პროექტების განხორციელება და სხვა.

→ ჯანმრთელობის დაცვა და სოციალური უზრუნველყოფა - 1350,6 ათასი ლარი, მათ შორის:

| საზოგადოებრივი ჯანმრთელობისა და უსაფრთხო გარემოს უზრუნველყოფა - 215,3 ათასი ლარი;

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; მუნიციპალიტეტის მოსახლეობაში არაგადამდებ

დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

| **სოციალური პროგრამები - 1135,3 ათასი ლარი;**

– მმართველობა - **6370,9 ათასი ლარი, მათ შორის:**

| საკრებულოს დაფინანსება - 1392,5 ათასი ლარი;

| მერია - 4271,4 ათასი ლარი;

| სარეზერვო ფონდი - 70,0 ათასი ლარი;

| სამხედრო აღრიცხვის და გაწვევის სამსახური-184,7 ათასი ლარი;

| სსიპ მუნიციპალური განვითარების ფონდისთვის დასაფარავი თანხა და ვალის მომსახურება 90,0 ათასი ლარი, მათ შორის - ძირი 58,1 ათასი ლარი და პროცენტი -31,9 ათასი ლარი.

| წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 20,0 ათასი ლარი

– საერთო დანიშნულების სახელმწიფო მომსახურება - 6571,9 ათასი ლარი;

– თავდაცვა - 184,7 ათასი ლარი;

– ეკონომიკური საქმიანობა - 699.1 ათასი ლარი;

– გარემოს დაცვა - 2576 ათასი ლარი;

– საბინაო-კომუნალური მეურნეობა - 2159,7 ათასი ლარი;

– ჯანმრთელობის დაცვა - 215,3 ათასი ლარი;

– დასვენება, კულტურა და რელიგია-4551,9 ათასი ლარი;

– განათლება -4602,6 ათასი ლარი;

– სოციალური დაცვა -1136 ათასი ლარი

წარმოდგენილი 2024 წლის ბიუჯეტის დადგენილების პროექტთან დაკავშირებით კომისიის წევრების მიერ გამოითქვა გარკვეული შენიშვნები. კერძოდ;

-კომისია თვლის, რომ წყლის სისტემის რეაბილიტაციაზე გამოყოფილი თანხა არასაკმარისია იმ პრობლემის მოსაგვარებლად, რომელიც მუნიციპალიტეტის წინაშე დგას. აქედან გამომდინარე აუცილებელია გამოინახოს დამატებითი სახსრები პრობლემის მოსაწესრიგებლად.

-კომისიის წევრებმა აღნიშნეს, რომ საბავშვო ბაღის თანამშრომლების ხელფასი არის მიზერული. სასურველია მოხდეს მინიმუმ 100 ლარიანი მატება, რაც აუცილებლად გათვალისწინებული უნდა იქნას 2024 წლის ბიუჯეტის პროექტში.

კომისიის წევრებმა აღნიშნეს, რომ ვინაიდან სოფლების გარკვეულ ნაწილში, გზის საფარი არის ძალიან დაზიანებული, გაჩენილია ორმოები და დგას წყლით სავსე გუბეები, მოსახლეობა საკუთარი საკარმიდამო ნაკვეთებიდან მიმდებარე ტერიტორიაზე გადაადგილებას ვერ ახერხებს, ამიტომ კომისიას მართებულად მიაჩნია, რომ პროგრამა „გზების მიმდინარე შეკეთებისთვის“ გამოყოფილი თანხა (200,0 ლარი) გაიზარდოს შესაძლებლობის ფარგლებში.

კომისიის წევრებს მიაჩნიათ, რომ მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა დასახვეწია. მათი თქმით, სურვილი და ინიციატივა, რომ ადამიანებს გაეწიოს სათანადო დახმარება მისასალმებელია, მაგრამ გაურკვეველია თუ რა კრიტერიუმებით ხდება მათი არჩევა. უმჯობესია, რომ აღნიშნულ პროგრამაზე გამოყოფილი თანხა მიმართული იქნას ქირავნობის კუთხით და 150 ლარი გაიზარდოს 200 ლარამდე.

**კომისიამ მიიღო გადაწყვეტილება:**

დადგენილების პროექტი კომისიის წევრების მიერ მიღებული იქნა შენიშვნების გათვალისწინებით.

სხდომის თავმჯდომარემ, ზაზა წულაძემ კენჭი უყარა დადგენილების პროექტს.

**მომხრე 6, წინააღმდეგი არცერთი.**

**დღის წესრიგის მეორე საკითხი:** „ლანჩუთის მუნიციპალიტეტის ქონების საპრივატიზაციო ობიექტების ნუსხისა და ლანჩუთის მუნ იციპალიტეტის ქონების პრივატიზაციის გეგმის დამტკიცების შესახებ“ ლანჩუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო მერიის ქონების მართვისა და სოფლის მეურნეობის სამსახურის, ქონების მართვისა და სოფლის მეურნეობის განყოფილების უფროსმა ვარდენ კვაჭაძემ. მან აღნიშნა, რომ საპრივატიზაციო ობიექტების ნუსხიდან და გეგმიდან ამოღებული იქნა მერიის აუქციონატორის მიერ, პრივატიზირებული ქონება, კერძოდ სოფელ ჩიბათში (ს/კ 27.09.50.281) საკადასტრო კოდზე არსებული უძრავი ქონება და ავტომანქანები. (ავტომობილი SKODA OCTAVIA - სახელმწიფო ნომრით AA-896-BB და ავტომობილი CHEVROLET LACETTI - სახელმწიფო ნომრით FF-434-FG.

მისივე განმარტებით, ასევე მიზანშეწონილია, რომ ლანჩუთის მუნიციპალიტეტის მერიის მოთხოვნით შეფასებული მუნიციპალური ქონება, (ლევან სამხარაულის სახელობის სასამართლო ექსპერტიზის ეროვნული ბიუროს 2023 წლის 31 ოქტომბრის 007695423 დასკვნა) კერძოდ; ნიგვზიანის ადმინისტრაციულ ერთეულის საბავშვო ბაგა-ბაღის შენობა-ნაგებობის დემონტაჟის შედეგად მიღებული მეორადი სამშენებლო მასალა, შემგომში განკარგვის მიზნით, აისახოს მუნიციპალიტეტის მოძრავი ქონების საპრივატიზაციო ობიექტების ნუსხასა და გეგმაში.

**კომისიამ მიიღო გადაწყვეტილება:**


განკარგულების პროექტი კომისიის წევრების მიერ მიღებული იქნა შენიშვნების გარეშე.

სხდომის თავმჯდომარემ, ზაზა წულაძემ კენჭი უყარა განკარგულების პროექტს.

**მომხრე 6, წინააღმდეგი არცერთი.**

ამით კომისიამ სხდომამ მუშაობა დაასრულა.

ლანჩუთის მუნიციპალიტეტის საკრებულოს ეკონომიკის,  
ქონების მართვისა და ბუნებრივი რესურსების  
საკითხთა კომისიის თავმჯდომარე:



/ზაზა წულაძე/

ლანჩხუთის მუნიციპალიტეტის საკრებულოს ეკონომიკის,  
ქონების მართვისა და ბუნებრივი რესურსების საკითხთა კომისიის  
სხდომის დასკვნა №11

20.11.2023 წელი  
11.00 საათი

მოგახსენებთ, რომ მიმდინარე წლის 20 ნოემბერს მოწვეულ იქნა ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1., „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ზაზა წულაძე/

2., „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი.

/მომხსენებელი: ზაზა წულაძე/

**დღის წესრიგის პირველი საკითხი** „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი კომისიის წევრების მიერ მიღებული იქნა შენიშვნების გათვალისწინებით.  
**მომხრე 6, წინააღმდეგი არცერთი.**

**დღის წესრიგის მეორე საკითხი:** „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი კომისიის წევრების მიერ მიღებული იქნა შენიშვნების გარეშე.  
**მომხრე 6, წინააღმდეგი არცერთი.**

ლანჩხუთის მუნიციპალიტეტის საკრებულოს  
ეკონომიკის, ქონების მართვისა და ბუნებრივი  
რესურსების საკითხთა კომისიის თავმჯდომარე:



ზაზა წულაძე

ლანჩხუთის მუნიციპალიტეტის საკრებულოს ეკონომიკის, ქონების მართვისა და  
 ბუნებრივი რესურსების საკითხთა კომისიის წევრთა დასწრების სარეგისტრაციო  
 ფურცელი

20.11.2023 წელი  
 11:00 საათი

	სახელი, გვარი	გამოცხადების დრო	ხელმოწერა
1	ზაზა წულაძე	11:50	გ. წულაძე
2	ალექსანდრე მახათაძე	11:00	<del>ს. მახათაძე</del>
3	კარლო კვიციანიშვილი	10:55	კ. კვიციანიშვილი
4	გიორგი იმნაიშვილი	11:55	გი. იმნაიშვილი
5	ვლადიმერ ნანაძე	11:00	ვ. ნანაძე
6	გიორგი ჩახვაძე	არ დასრულდა	გ. წულაძე
7	გივი ცინცაძე	არ დასრულდა	გ. წულაძე
8	კახაბერ ასკურავა	არ დასრულდა	გ. წულაძე
9	გოჩა ჯანაშია	10:55	გ. წულაძე